

Segunda carta de San Pablo a los Corintios

Corinto cuto gãnare Pablo ï papera cõare gaye

¹ Ñati yu ñarã mua. Yu robo bajiroti Jesucristore t̃orãnurã ña mua cuni. Yu ña Pablo adi papera m̃are cõagũ. Jesucristo ocare yu goti ucutoni ï c̃urã ña yu. Dios ï ãmojare ito bajiro yure c̃uquĩ Jesucristo. Mua Corinto cuto gãna Diore r̃uc̃b̃uorã minijuasotia mua. Adi papera cõa yu m̃are. Mua Acaya sita gãnare cuni Diore r̃uc̃b̃uorã mua ñajare adi papera cõa yu. Mani yagu Timoteo rãca adi papera m̃are cõa yu. ² M̃are yiarì manì Jac̃ Dios, ito yicõri manì Ëj̃ Jesucristore cuni seni ïsia yu. M̃are ïna queno yitoni ïnare senia yu. Mua ya usij̃ queno mua wañ quenatoni m̃are yiarì ïnare seni ïsia yu.

Pablo ï t̃oĩa b̃jatobitire gaye

³ Mani Ëj̃ Jesucristo Jac̃re r̃uc̃b̃uor̃ja manire. Mani Jac̃ ñari manire ti maigũ yiguĩji Dios. Ito bajiri manì t̃oĩa b̃jatobitibe yiroc̃ manì rãca ñatĩñagũ yiguĩji ï. Ito bajiro bajig̃ ï ñajare ïre r̃uc̃b̃uoa manì. ⁴ Disej̃a r̃yabeto manì b̃jatobitija ï t̃oïarisena manì rãca ñatĩñagũ yiguĩji Dios. Ito bajiroti manire yig̃ yiguĩji Dios, “Gãjerã ïna t̃oĩa b̃jatobitija ïnare ejab̃ajaro”, yiroc̃. Mani t̃oĩa b̃jatobitija manire Dios ï ejab̃aro robo bajiro gãjerãre manì ejab̃aja quena. ⁵ Mani ye waja b̃to t̃oĩa b̃jatobisij̃ Cristo. Manire

cuni t̃oĩa b̃jato bitiroca yirã yirãji masa. Ito bajibojarocati Cristo ã goda ãsiana mani ñajare mani t̃oĩa b̃jato bitija, ã t̃oĩarisena mani rãca ñatĩñagũ yiguĩji Dios. ⁶ “Jesucristore m̃ua t̃orũñja, m̃uare masogũ yiguĩji Dios”, yi masare ỹu riasojare b̃to ỹu t̃oĩa b̃jato bitiroca yama gãjerã. Ito bajiro ỹure ñna yibojarocati masare ỹu riaso jidicãbititoni ỹure ejab̃uami Dios. Ito bajiri t̃oĩa b̃jato bitigor̃u ñari m̃ua t̃oĩa b̃jato bitija m̃uare ejab̃ua masigũja ỹu. “Ỹu ñemec̃tiroca Dios ã ỹure yiado bajiroti m̃ua ñemec̃tiroca yigu yiguĩji Dios”, yi t̃oĩa ỹu. ⁷ “Diore queno t̃orũnrã ñama Corinto c̃to gãna”, yi t̃oĩa ỹu m̃uare. Ỹu t̃oĩa b̃jato bitiado bajiroti t̃oĩa b̃jato mena yirãji m̃ua c̃ni. Ito bajibojarocati, “Ỹure ã ejab̃uado bajiroti m̃uare c̃ni ejab̃uag̃u yiguĩji Dios”, yi t̃oĩa ỹu. “Diore jidicãmena yirãji ñna”, yi t̃oĩa ỹu m̃uare.

⁸ T̃uoya ỹu ñarã m̃ua. “Asia sitaj̃u ñagũ jaje oca josarise gaye r̃etañi Pablo”, m̃ua yi t̃oĩare ãmoa ỹu. Ado bajiro bajic̃u. Itoj̃u b̃to t̃oĩa b̃jato bitic̃u ỹu. “Ñemec̃tiado ma ỹu”, yi t̃oĩac̃u ỹu. “Catig̃u yiguja ỹu”, yi t̃oĩare manic̃u ỹure. ⁹ “Pablöre s̃iana mani”, ñna yire masicãc̃u ỹu. “Ỹure ñna s̃iaroti ỹumasiti camota masibeaa ỹu”, yi t̃oĩac̃u ỹu. Ito bajiro r̃etac̃u ỹure, Diore riti ỹu t̃orũñtoni. “Dios ñami godarãre m̃ucana t̃adi catiroca yigu. Ito bajiri ã s̃ig̃uti ñami ỹure maso masigũ”, ỹu yi masitoni, ito bajiro r̃etac̃u ỹure. ¹⁰ Ỹure ñna s̃ia ãmobjarocati ỹure queno ejab̃uacquĩ Dios. Ito bajiri ỹure s̃ia masibiticã ñna. “Ito bajiro riti ỹure ejab̃uasotig̃u yiguĩji Dios”, yi t̃oĩa ỹu. Ỹu t̃oĩarise Diore riti ña ỹure. “Ỹure ejab̃uasotig̃u yiguĩji Dios”, yi t̃oĩa ỹu.

11 Yũre yiari Diore seni ĩsiũa. Ito bajiro yũre mũa ejabũare ãmoa yũ. Ito bajiro mũa yija queno yũre ejabũagũ yiguĩji Dios. Mũa jãjarã yũre seni ĩsirena sũoriti yũre ejabũagũ yiguĩji Dios. “Pablore queno ejabũami Dios”, yi ti masicõri jãjarã masa, “Queno ya Dios mũ”, yirã yirãji ĩna ĩre.

Corinto cũtoju Pablo ĩ wabitire gaye

12 Gaje gaye tũoĩacõri wanũa yũ. Ado bajiro bajia iti yũ wanũrise. “Dios ĩ ãmoro bajiro masare queno yicũ yũ”, yi tũoĩacõri wanũa yũ. “Masare rũogũ meje ña yũ. Corinto cũto gãna rãca ñagũ ĩnare queno Dios oca riasocũ yũ”, yi tũoĩa yũ. Yũre queno yicõri, gãjerãre yũ queno yi masiroca yĩni Dios. Yũ masirisena meje ito bajiro yicũ yũ. Dios ĩ masirisena ito bajiro yicũ yũ. 13 Adi papera yũ ucarise riojo gotia yũ. Rũore ocana meje mũare uca yũ. Mũa tũo masirotire uca yũ. Ito bajiri queno mũa tũo masi jeore ãmoa yũ. 14 Ado yũ yirisere queno tũo masi jeobea mũa maji. “Ado bajiro bajigũ ñami Pablo”, queno yi masi jeobea mũa maji. Yũre mũa queno masija, mani Hju Jesucristo ĩ tũdi ejari rũmũ, “Gũare queno riasoquĩ Pablo”, yi tũoĩa wanũrã yirã yirãji mũa. Mũare ito bajiroti wanũgũ yigũja yũ cãni. “Queno cũdirã ñama ĩna”, mũare yi tũoĩacõri queno wanũgũ yigũja yũ.

15 “Yũre wanũrã yirãji”, yi tũoĩacõri, “Juaji ĩna tũ tigũ warũja yũ”, yi tũoĩa yũ mũare. Ito bajiri juaji yũre ti wanũrã yirãji mũa. 16 Ado bajiro tũoĩacũ yũ: “Macedonia sitaju wacũ, ĩnare ti rẽta wacũja yũ. Mũcana tũdi wadigũ ĩnare ti rẽta wadicũja yũ”, yi tũoĩacũ yũ. “Ĩna tũ ejacõri, Judea wame cãtiri sita yũ ejatoni yũre ejabũarã yirãji ĩna”, yi

tuoĩacu yu mware. Ito bajiro tuoĩabojaguti mua tu eja masibiticu yu. ¹⁷ Mua tu yu eja masibejare, “Buguti yami Pablo”, yure mua yire tuo a yu. Diore masimena ĩna ruoro bajiro yibea yu. “Ito bajiro yigu ya yu”, yibojaguti gajero bajiro yigu meje ña yu. “Ado bajiro yicuja yu”, yu yija ñaro bajiroti yiguja yu itire. ¹⁸ Mani Jacu Dios riojo gotigu ñami. Yu cuni riojo gotigu ña. “Ado bajiro yicuja”, yu yija, gajero bajiro yibea yu. “Ito bajiro bajigu ñami”, yi tuoĩaguĩji Dios yure. ¹⁹ Jesucristo Dios Macure cudigu ñari ito bajiro ya yu. Yu Pablo, Silvano cuni, Timoteo cuni, Jesucristo gayere mware goticu gna. “Ado bajiro yicuja yu”, Cristo ĩ yija, ito bajiroti yiyiju. Riojo gotisotiyiju ĩ. ²⁰ “Ado bajiro queno masare yicuja yu”, Dios ĩ yire, ĩ Macu Jesucristona sũoriti rētayiju iti. Itire masicõri, “Ī yiro bajiroti yisotigu yiguĩji Dios”, yi wanua mani. Ito bajiro mani tuoĩaja, Diore rãcubũorã ya mani. ²¹ Jesucristore mani tuorũnu jidicãbeto yigu ñami Dios. Ī ñarã mani ñaroca yami Dios. Jesucristo oca mani gãjerãre gotitoni manire cũni Dios. ²² “Dios ñarã ñama ĩna”, gãjerã ĩna manire yi ti masiroca ĩnare yigu ñami Dios. Mani ya usiju Espĩritu Santo queo sãni Dios. Ito bajiro ĩ yija, “Ī ñarã ña mani”, yi tuoĩa mani ĩja. “ ‘Masare queno yicuja yu’, ĩ yiado bajiroti manire queno yigu yiguĩji Dios”, yi tuoĩa mani.

²³ “Yu tiro riojo ĩna bojobe yirocu ĩna tu wabitiruja yure”, yi tuoĩacõri mua tu wabiticu yu maji. “Diore queno cudibea mua”, yi amobiticu yu. Ito bajiri mware tigu wabiticu yu maji. Riojo mware yu gotibeja cuni, “Tuoĩa bũjatobitijaro ĩ”,

Dios ï yija cuni quena ñaboroja yure. ²⁴ “Ado bajiro Diore rãcãbũore ña iti”, mũare yi roti ãmobeã yũ. “Diore queno tũorũnũã ñama ñna”, yi tũoĩa yũ mũare. Mũa bojori bũjaroca yi ãmobeã yũ. Bũto bũsa wanũ quenajaro ñna, yirocũ mũare riasoa yũ.

2

¹ Itire tũoĩagũ, “Ñna bojori bũjabe yirocũ ñna tũ tigu wabeã yũ”, yi tũoĩacũ yũ. ² Mũa bojori bũjaroca yũ yija, mũa sũgũjũama yũ wanũroca yigu mani-boguĩji. Mũa ña yũ queno wanũ quenaroca yirã. Ito bajiri mũa bojori bũjaroca yi ãmobeã yũ. ³ Mũa bojori bũjabe yirocũ mũa tũ wabiticũ yũ. Papera riti mũare cõacũ yũ maji. Mũa tũ yũ ejaroto riojũa oca queno ãmogũ, “Ado bajiro mũa yire ãmoã yũ”, yi papera cõacũ yũ mũare. Mũa tũ ejacõri mũa bojori bũjare ti ãmobeã yũ. Mũa tũ ejacõri mũa wanũre ti ãmoã yũ. “Yũ wanũja ticõri, wanũã yirãji ñna cuni”, yi tũoĩa yũ. Ito bajiri mũa tũ yũ waroto riojũa oca quenogũ mũare papera cõacũ yũ. ⁴ Iti rũmũ iti mũare papera cõagũ bũto tũoĩacũ yũ. Yũ ya usijũ bojori bũjacõri, bũto oticũ yũ. Mũa bojori bũjajaro, yirocũ meje iti mũare papera cõacũ yũ. “Manire ti mai ñaĩi Pablo”, mũa yi masitoni mũare papera cõacũ yũ iti rũmũ.

Ñeñaro yire ãcabojoya, Pablo ï yire gaye

⁵ Mũa wato gagũ ñeñaro ï yire tũoĩacõri bojori bũjacũ yũ. Yũ sũgũ meje bojori bũjacũ. Ñ ñeñaro yire ticõri bojori bũjana mũa cuni. Bũto bũsa ï bũjatobitiroca mũa yire ãmobeã yũ. ⁶ Minijuacõri ï ñeñaro yire waja ï tũo bũjatobitiroca yiyija mũa. Ito bajiro yicõri ñre bucõayija mũa. Itocõti

ĩ bñjatobitiroca mña yire ãmoa yñ. ⁷ Ito bajiri adocãta ã ñeñaro yirisere mña ãcabojore ãmoa yñ. “Mñ ñeñaro yirise mñre ãcabojoa gña. Mñcana gña rãca mñ ñare ãmoa gña ãja”, ãre yĩ mña baba cutire ãmoa yñ. Ito bajiro mña yibeja, yoari bojori bñjacõri Cristore sñya jidicãgũ yiguĩji gajea. ⁸ Ito bajiri mñcana ãre mña ti maire ãmoa yñ. “Gña rãca mñ ñare ãmoa gña”, yĩ ãre mña baba cutire ãmoa yñ ãja. ⁹ Iti rñmñjñ iti gaye mñare papera cõacu yñ. “Yñ rotirise ãna cñdi jeoja ticñja yñ”, yĩ tñõacõri papera cõacu yñ mñare. ¹⁰ ã ñeñaro yirise mña ãcabojaja, yñ cñni ãre ito bajiroti ãcabojogñ yigñja yñ. Iti rñmñ ã yñre ñeñaro yibojarocati, ito bajiro yicñja yñ, sñgũre bajiro mña tñõã wanñtoni. Ito bajiro ya yñ Cristo ã tiro riojo. ¹¹ “Sñgũre bajiro mani tñõãbitiroca yĩ ãmoami rñmñã ñjñ Satanás manire”, yĩ tñõã mani. Ito bajiri sñgũre bajiro tñõacõri mani gãmeri ãcabojaja quena. Ito bajiro mani yija, manire rñtocũ masibiquĩji Satanás.

Troas cñto ejacõri Pablo ã bñjatobitire gaye

¹² Gaje gaye mñare goti ãmoa yñ. Ado bajiro bajia iti. Troas wame cutiri cñto ejacõri queno Cristo oca masare riasocñ yñ. “Gñare gotibesa”, yibiticã masa. Queno yñre boca ãmicã ãna. Ito bajiri Jesucristo ã ejabñarisena sñoriti masare queno riaso masicñ yñ. ¹³ Masare queno riasobojagñti yñ ya ñsijñ buto tñõãcñ yñ. Mani yagñ Titore ti bñjabiticõri yñ ya ñsijñ buto tñõãcñ yñ. Ito bajiri Titore ãmarocñ ãnare ware goticõri Macedonia sitajñ wacñ yñ.

Cristore mani tñorññja rñtocũrã mani ñaroca Dios ã yire gaye

14 Jesucristore t̄or̄ñnc̄ori ȳ ñeñaro yirisere r̄etoc̄ũ masia ȳ. Ito bajiro ȳ baji ñaroca Jesucristo r̄aca ȳ baba cuti wan̄roca yiñi Dios. Ito bajiro Dios ï yijare, “Queno ya Dios m̄”, ya ȳ ïre. Adi r̄m̄ri no ȳ riaso ucurij̄ti, Jesure masa ïna t̄or̄ñn̄roca yami Dios. S̄ti quenarise iti s̄ti bataro bajiro coj̄ r̄yabeto Dios oca bata ejaro ya. 15 “Masa ïna ñeñaro yirise waja goda ïsiḡ yami ȳ Mac̄”, yi tic̄ri wan̄yij̄ Dios. Jesucristo oca masare mani riasoja tic̄ri, manire wan̄aḡ yiguĩji Dios. Coji r̄yabeto masare mani Dios oca riasoja, masa jeyaro ï oca masir̄ yir̄ji. Jeame ãj̄roj̄ warona c̄ni, jeame ãj̄roj̄ ïna wabore ñaroca Dios ï masoana c̄ni ï oca masir̄ yir̄ji ïja. Masare Dios oca mani riasoja queno s̄tiro bajiro bajia ïre. Ito bajiro masare mani gotija tic̄ri, wan̄ḡ yiguĩji Dios. 16 Jeame ãj̄roj̄ waronare Dios oca ȳ riasoja, ãnirise queno s̄ti quenabiti robo bajia ïnare. Jeame ãj̄roj̄ ïna wabore ñaroca Dios ï masoana ï oca ȳ riasoja, ïnareama queno s̄ti quenaro robo bajiro bajia. “Dios ocare ȳ t̄or̄ñn̄ja catit̄ñaḡ yiḡja ȳ”, yi t̄oĩama ïnama. Ȳre Dios ï ejab̄abejama ï oca gotiado ma ȳ. 17 Niyeru b̄jaronariti masare Dios oca riasor̄ j̄jar̄ ñama ïna. Dios oca ñasarise meje riasoama ïnaõna. Riojo meje riasoama ïna. ïna ãmoro bajiroti riasobojama. ïnare bajiro meje riasoa ȳama. Dios ï tiro riojo queno t̄oĩac̄ri masare riasoa ȳ. Cristo oca ȳ riasotoni Dios ï c̄r̄ ña ȳ. ï oca queno masare riasoa ȳ. “Queno masare riasoami Pablo”, yi tiguĩji Dios ȳre.

3

Ado bajiro baja mame oca, Pablo ï yire gaye

¹ Yure queno busijaro, yiroca meje iti gotia yu mware. “Áni ñami queno Dios oca riaso masigã”, yi gãji ï papera ucaja, “Gware ïogũ yiguïji Pablo”, ¿yire masiati mwa? Yure masicã mwa. Ito bajiri mware ïoado ma yu. Gãjerã ïre boca ãmitoni, “ ‘Áni ñami queno Dios oca riaso masigã’, manire yi uca rotigũ yiguïji Pablo”, ¿yire masiati mwa? “Queno Dios oca riaso masiami”, yi masicãrãji masa yure.

² Ado bajiro baja: Mwa ñeñaro yirisere jidicãcõri gaje mwa wasoaja ticõri, “Dios oca ïnare queno riasoñi Pablo”, yi tãoïarã yirãji masa jeyaro. “Pablo ï riasore tãorãncõri gaje wasoañi ïna”, yi ti masirã yirãji masa mware. ³ Mwa tã gãna masa, “Ito bajiro bajirã ñama ïna”, yi ti masirã yirãji ïna mware. “Pablo ï riasore tãorãncõri gaje tãoïare wasoañi ïna”, yi masa ïna tire ãmoguïji Cristo. Ito bajiro ïna yi masitoni papera cõabisï Cristo ïnare. Gãta jãina ucacõri cãni ïnare cõabisï ï. Ado bajirojwa baja: Mwa ya usijũ Espiritu Santo queo sãni Dios catitñagũ. Ito yicõri gaje tãoïare wasoañi Dios mware. Ito bajiro yiñi Dios, “Cristo ñarã ñama ïna”, yi masa ïna mware ti masitoni.

⁴ Masare Dios oca yu riasoja, Jesucristo ï ejabuarisena ito bajiro riasoa yu. Ito bajiri, “Masare queno riasoa yu”, yi tãoïa yu Dios ï tiro riojo. ⁵ Ito bajiro yibojaguti, “Yurio yu masirise masare riasoca yu”, yibea yu. Ado robojwa baja: Dios ï ejabuarisena riti masare queno riaso masicũ yu. ⁶ Dios ñami ï ye yu tão masiroca yigu. Ito bajiri Dios oca ï mame wasoare goti rãtobu masia yu.

“No yu rotirisere cudi jeobicuti i godaja jeame ñjuroju wacu yiguñi”, yi gotia bucu oca. Mame oca i wasoare bucu oca ucare bajiro meje baja. Mame oca i wasoarea adu bajiro baja: “No Espiritu Santore boca amira ure cudi masira yiraji ina”, yi gotia Dios oca mame i wasoare. “Espiritu Santona suoriti catitñarã yiraji ina”, yi gotia Dios oca.

⁷ Jane mejeju i rotirise jidicayiju Dios Moisés ñayore. I rotirise guta jairiju ucare ñayiju. Iti i isiri ramu buto guijorise rãca ejayiju. Adu bajiro bajiyiju iti: Dios rotirise boca amicõri Moisés ya rio buto yoyiju. Buto i ya rio iti yojare i ya rio ti masia mano bajiyiju Israel sita ganare. I ya rio buto yobojaguti yoari mejeti macana yo jidicãsuoyiju. Dios rotirisere cudi jeo masibiticõri bojori bujayijarã ina. “Goda warã ya mani”, yire masijarã ina.

⁸ Espiritu Santo queda sãja ecoana mani ñajare ñeñaro mani yirisere acabojoru Dios. Ito bajiri, “Bucu oca rëto busaro ñasarise ña mame oca Dios i wasoare”, yi tuoña mani. ⁹ Buto guijorise rãca bucu oca iti ejabojarocati iti oca queno cudi jeo masibisijarã masa. Itire cudi jeo masibiticõri, “Godarã ya mani”, yiyijarã ina. Bucu oca rëto busaro ñasarise ña mame oca Dios i wasoare. Mame oca i wasoarena adu bajiro gotiami Dios: “No Espiritu Santo queda sãja ecogu ñe seti macu ñami i”, yi gotiami Dios i ocana. ¹⁰ Jane mejeju Moisés ñayoru i rotirise buto rãcubuoijarã masa. Buto iti rãcubuoire ñabojarocati, rëtoro rãcubuoire ña mame oca Dios i wasoare. Moisés ñayoru i rotigore jedi wayiju ña. Ito bajiri mame oca Dios i wasoare ña buto mani rãcuburoti. ¹¹ Moisés ñayoru i rotirise buto rãcubuoire ñabojaroti yoari sejabisiju. Mame

oca Dios ï wasoareama jedibeto yiroja. Ñatĩñaro yiroja. Mame oca Dios ï wasoare mani t̃uorũnũja, catitĩñarã yirãji mani. Ito bajiri bũcu oca r̃etoro ñasarise ña mame oca Dios ï wasoare.

¹² “Bũto ñasarise ña Dios oca”, yi t̃uõia yũ. Ito bajiri güigũ meje Dios oca masare bũto riasoa yũ. ¹³ Moisés ñayoru bajiro meje baja yũ. Dios rãca ï bũsija bero ï ya rio sayana camotayijũ Moisés ñayoru. Ï ya rio yorise iti jedi waja tibe yirocu camotayijũ Moisés ñayoru. ¹⁴ Jane mejeju cuni Dios oca t̃uorũnũ ãmobisijarã judio masa. Ito bajiri ï oca tibojarãti t̃uo masibisijarã. Adi rumuri cuni ito bajiroti bajicõama ña. Moisés ñayoru ï ucare ña tibojaja cuni t̃uo masibeamã ña. Cristore t̃uorũnũrã riti Dios oca ticõri ti masiama ña. ¹⁵ Ito bajiri Cristore t̃uorũnũbiticõri Dios ocare t̃uo masibeamã judio masa. Ito yicõri Moisés ñayoru ï ucare riasotibojarãti itire t̃uo masibeamã ña maji. ¹⁶ No mani Uju Jesucristore boca ãmigãti, Dios ocare t̃uo masigũ yiguñji. ¹⁷ Jesucristo mani Uju, ito yicõri Espiritu Santo cuni coro bajiroti bajirã ñama ña. Ito bajiri Espiritu Santo quedi sãja ecoana ñari, “Jesucristore mani t̃uorũnũja, catitĩñarã yirãji”, yi t̃uõia mani. “Moisés ñayoru ï rotirise ya cãdija, yure masogũ yiguñji Dios”, yi t̃uõia bea mani. ¹⁸ Jesucristore t̃uorũnũrã ñari, “Ïti ñami r̃etoro quenagũ”, yi t̃uo masia mani. Itire t̃uo masicõri ïre riti t̃uõia mani. Ito bajiro ïre t̃uõiasoticõri co rumũ rayabeto bũto bũsa ïre bajiro baji wajũ mani. Espiritu Santo quedi sãja ecoana ñari Jesucristo bajiro mani baji waroca yami.

4

1 Yure ti maicōri ï oca masare yu riasotoni yure cūñi Dios. Ito bajiro yure ï yija, oca sēoa yu. Ito bajiri ï oca riaso jidicābea yu. ² “Ruoore ocana meje masare Dios oca ñasarise riasocuja yu”, yicācu yu. Yumasi yu tūoĩa rujeore meje riasoa yu. Dios oca iti riasoro bajiroti riasoa yu masare. Dios ï tiro riojo ñasarise riti riasoa yu masare. Ito bajiri, “Riojo ñasarise masare riasoami Pablo”, yi masi jedirāji masa yure. ³ Jājarā ñama Cristo oca yu riasoja, tūo masimena. ï oca ñna tūo āmobejare, ñna tūo masiroca yibeami ï. Ito bajiri ï oca tūorūnūbiticōri jeame ūjuroju warona ñama ñna. ⁴ Cristore ñna tūorūnūbeja, ñna tūoĩa wisaroca yami Satanás wame cutigu. ï ñami adi macārucūro ñeñaro yirā ūju. Cristo rūcūbuogū ï oca quenarisere ñna tūorūnūre āmobeami Satanás. Dioti ñami Cristo. Ito bajiri ï ocare ñna tūo masime yirocu ñna tūoĩa wisaroca yiñi Satanás. ⁵ Masare yu riasoja, yumasi gaye meje riasoa yu. “Jesucristo ñami mani Ūju”, yire oca riasoa yu masare. Cristore tūo maicōri ïre moa ïsigū ña yu. ïre cudicōri ï oca mūare riasoa yu, quenarisere mūare ejatoni. ⁶ Adi macārucūro rujeo wacu, “Rāitīaroju busuya”, yigorū ñami Dios. ïti ñami ï ocare mani ya ūsiju tūo masiroca yigu. Ito bajiri, “Rūcūbuogū ñami Cristo”, yi tūoĩa mani. Cristore ti masicōri, “ï robo bajiro rūcūbuogū ñami Dios”, yi tūoĩa mani.

Cristore tūorūnūcōri queno ñare gaye

⁷ Guā ï cūana ñasarā meje ña. ï ocajuā ña rētoro ñasarise. Yu masirisena meje masare ï oca riasoa yu. Buto tūoĩa masigū meje ña yu. Ito bajiri yu

riasoja t̄uocōri, “Dios ã masirisena queno riasoami Pablo”, yi ti masiama masa ȳre. ⁸ Masare Dios oca ȳu riasoja, coji meje t̄uoĩa b̄ujatobitic̄u ȳu. Ito bajiro t̄uoĩa b̄ujatobitibo jaguti Dios ocare riaso jidicãbea ȳu. “¿Disej̄ua ȳisaḡu ȳigujada ȳu?” yi t̄uoĩare jaia ȳu cojirea. Ito bajibo jaguti bojori b̄ujabea ȳu. ⁹ Jãjarã ȳure ti tudirã ñabojarocati Dioama ȳure jidicãbeam̄i. Coji meje ȳure ñeñaro yicã masa. Ito yicōri ȳure jaca j̄u tumecãcōacã masa. Ito bajiro ȳure ñna yibojarocati m̄ucana t̄udi w̄m̄m̄ r̄ũgũcōri masare Dios oca riaso ucuc̄u ȳu. ¹⁰ No ȳu wa ucuroj̄u ñama masa coriarã ȳure s̄ia ãmorã. Jesure ñna s̄iado bajiroti ȳure c̄ni s̄ia ãmoama masa. Ȳure ñna s̄iame ȳiroc̄u tir̄ũn̄sotiami Jesús ȳure. Ȳure ã tir̄ũn̄ja ticōri, “Catiḡu ñami Jesús. ã ñarãre queno tir̄ũn̄ami”, yi t̄uoĩama masa. ¹¹⁻¹² Jesús oca ȳu riasojare, coriarã masa s̄ia ãmosotiam̄a ȳure. Ȳure ñna s̄ia ãmobjarocati Jesuama ȳure tir̄ũn̄ami. “Catiḡu ñami Jesús. Ito bajiri ã ñarãre tir̄ũn̄ami ã”, yi m̄uare ȳu riasojare, ȳure s̄iarona c̄nĩama masa. Ito bajiro ñna yibojarocati Dios oca riaso jidicãbea ȳu. Jesure t̄uor̄ũn̄cōri, m̄ua catitĩñare ãmoḡu m̄uare riasoa ȳu.

¹³ Dios oca tutij̄u ado bajiro gotiami s̄igũ: “Diore t̄uor̄ũn̄ua ȳu. Ito bajiri ã oca masare gotia ȳu”, yi gotiami s̄igũ Dios oca tutij̄u. Ito bajiro t̄uoĩa ȳu c̄ni. Diore t̄uor̄ũn̄cōri ã oca riaso jidicãbea ȳu. ¹⁴ Ȳure masa ñna s̄ia ãmoja güibea ȳu. Mani Ʋj̄u Jesucristo ã godabojarocati m̄ucana t̄udi ã catiroca ȳiñi Dios. Ito bajiri Jesús yaḡu ñari, “Ȳu t̄udi catiroca ȳiḡu ȳiguĩji Dios”, yi t̄uoĩa ȳu. “M̄ua rãca cocati ã ñaroj̄u ãmac̄j̄u manire ãmi wac̄u ȳiguĩji Dios”, yi t̄uoĩa ȳu. ¹⁵ Quenarise gaye m̄ua boca ãmitoni ito bajiro

jeyaro rētaçũ yũre. Jãjarã Jesucristore t̃orũnũjaro, yiroçũ ã oca riasoa yũ. “Manire ti maicõri manire queno yami Dios”, yi warã yirãji masa jãjarã bũsa. “Mũ ña rētoro r̃ũcũbũoru”, yi r̃ũcũbũo warã yirãji masa jãjarã bũsa Diore.

¹⁶ Itire masicõri oca s̃oõa yũ. Jesús oca riaso jidicãbea yũ. Yũ ya ruju bũcũa jedi wabojarocati yũ ya ũsijũama oca s̃õ ña yũ. Co rũmũ rũyabeto yũ oca s̃õroca yami Dios. ¹⁷ Adi sita ñagũ yũ bũjatobitire ñabojarocati yoari mejeti t̃õõa wanũ quenagũ yigũja yũ. Yũ t̃õõa bũjatobitire ñaja yũre queno yigũ yiguĩji Dios. Ì rãca yũ catitĩñaroca yũre queno yisotigũ yiguĩji Dios. Masare riasogũ yũ t̃õõa bũjatobitire waja yũre queno yigũ yiguĩji Dios. ¹⁸ Ito bajiri yũ t̃õõa bũjatobitire itire bũto t̃õõa yibea yũ. Ñmacũju Dios queno ã yirotijũare bũto t̃õõa yũ. Mani ya ruju ñatĩñaroti meje ña. Ito bajibojarocati mani ya ũsijũama ñatĩñaroti ña. Ito bajiri ñmacũju Dios queno ã yirotijũare bũto t̃õõa yũ.

5

¹ “Ado mani reco ñari ruju godaroca gaje mama ruju wasoagũ yiguĩji Dios”, yi t̃õõa yũ. Ì masirisena mama ruju wasoagũ yiguĩji manire. Mama ruju manire ã wasoaja, t̃adi godabiti ruju ñaro yiroja iti ruju. Ito bajiri catitĩñarã yirãji mani, manire ã queno yurajũ. ² Adi sita ñarã bũto Dios t̃ũ ware t̃õõa mani. “Mama ruju Dios ã wasoara rujuña ña ãmoa yũ”, yi t̃õõa yua mani adi sita ñarã. ³ Co rũmũ Dios t̃ũ ejacõri mama rujuña ñarã yirãji mani. Ito bajiri, “Yũ ya ũsi mama ruju ña yũre”, yirã yirãji mani Dios t̃ũ ejacõri. ⁴ Adi sita ruju cati

ñarã tũoĩa oca jaia mani. Ito yicõri tũoĩa bujatobea mani. Goda ãmobitibojarãti ũmacũjũ ñari rujũre ãmoa mani. Dios ã ñaro godaya manojũ ña ãmoa mani. ⁵ Queno tũoĩacõri manire queno rujeoñi Dios. Gaje rujũ wasoarã mani ñatoni manire rujeoñi ã. Espĩritu Santo queo sãñi Dios mani ya usijũ. Ito bajiro ã yijare, “Jeyaro Dios ã gotire ito bajiro riti rẽtarõ yiroja”, yi tũoĩa mani.

⁶ Itire masicõri oca sẽosotia yũ. Adi sita rujũ, rujũ cutigu ñari mani Ujũ Jesucristo tũ wa masibea yũ maji. Ito bajiri ija rẽtaroti gayere tũoĩa yugũ wanũa yũ. ⁷ Ija rẽtaroti gaye tibitibojagũti, Cristore tũorũnũcõri, “Ito bajiro rẽtarõ yiroja”, yi tũoĩa yũ. ⁸ Ito bajiro tũoĩagũ ñari oca sẽoa yũ. Yũ godarotire gũibebea yũ. Yũ godaroti gaye tũoĩagũ wanũa yũ. Mani Ujũ Jesucristo tũjũa ñagũ wa ãmoa. ⁹ Adi sita yũ ñaja cuni, ũmacũjũ yũ ñaja cuni Dios ã ti wanũrise riti yi ãmoa yũ. Disejũa gaje ñasarise ma yũreama. Dios ã ti wanũrise riti yi ãmoa yũ. ¹⁰ Ado bajirojũa baja: Co ramũ rotira cumuro Cristo ã rujiro riojo masa jeyaro rũgõrã yirãji ã riojo. Iti ramũ mani ñeñaro yigore, mani quenaro yigore cuni manire waja yigũ yigũji Cristo. Ito bajiro yicõri manire besegũ yigũji Cristo.

Cristona sũoriti oca ma manire, yire gaye

¹¹ Itire masicõri ãre gũi rũcũbũoa yũ. Ito bajiri Cristore masa ãna tũorũnũre ãmogũ ãnare gotisotia yũ. “Yũre rũcũbũocõri queno masare riasoami Pablo”, yi masiguĩji Dios yũre. Mũa cuni ito bajiro mũa yi masire ãmoa yũ. ¹² Iti mũare yũ gotija, yũre ti wanũre ãmogũ meje ya yũ itire. Ado bajirojũa baja: Yũre bũsiturãre mũa cudi masitoni, yũ yigore

m̄are queno goti r̄etobua ȳ. Ȳre oca menir̄ã ãna ñama, “Ḡajer̄ã r̄etro ñasar̄ã ña ḡua”, yibojar̄ati quenarise t̄oĩamena. “Ñasarise masare oca riasoñi Pablo”, ȳre m̄ua yire ãmoa ȳ. ¹³ “Queno t̄o masibic̄u ñami Pablo”, masa ãna ȳre yibojaja c̄uni, no yibea ȳre. Diore r̄ac̄ub̄ojar̄o ãna, yiroc̄u masare riasoa ȳ. “B̄uto masiḡũ ñami Pablo”, masa ãna ȳre yibojaja c̄uni, no yibea ȳre. M̄ua queno ñatoni m̄are Dios oca riasoa ȳ. ¹⁴ “Ȳre maiami Cristo”, yic̄õri ãre c̄udi ãmoa mani. Manire b̄uto ti maiami Cristo. Ito bajiri mani ñeñaro yirise waja, waja yi ãsiḡã godañi ã. Mani ñeñaro yirise waja t̄oĩa b̄ujatobis̄i Cristo. Ito bajiri mani ãmorise yir̄ãona Cristo ã ãmorisejuare yir̄uja manire. ¹⁵ Ȳre c̄udijaro ãna, yiroc̄u manire goda ãsiñi Cristo. Ito bajiri adi r̄am̄ari c̄uni Cristo ã ãmoro bajiroti yi ñasotia mani. ãti ñami godabojaguti m̄cana t̄udi catir̄u. Manire ȳari ito bajiro yĩni ã. ¹⁶ Ḡajire tibojar̄ati, “Ito bajiro t̄oĩami ã ya usij̄u”, yi masibea mani. Ito bajiri Diore masimena ḡajer̄ã ñeñaro ãna t̄oĩaro bajiro t̄oĩabea maniam̄a. Cristore ȳ masiroto rioj̄ua, “Ȳ roboti adi sita gaḡu ñaguñji ã c̄uni”, yi t̄oĩabojac̄u ȳ. ãre masic̄õri gajero bajiro t̄oĩa ȳ ãja Cristore. ¹⁷ No Cristore t̄or̄ãn̄ḡuti ã ñeñaro t̄oĩarise jidic̄ãc̄õri gaje t̄oĩare wasoaḡu yiguñji. ã ñeñaro yirisere jidic̄ãc̄õri m̄cana itire yi ãmobiquñji ã. Gaje ã t̄oĩarise wasoac̄õri quenarise riti yi ãmoguñji ãja.

¹⁸ Dios ñami mani t̄oĩarise wasoaḡu. Iti r̄am̄uj̄u ã wajana ñabojarocati Jesucristo ã goda ãsirena s̄oriti ã ñar̄ã mani ñaroca yĩni Dios. “Dios r̄ãca oca quenoc̄õri ã r̄ãca baba c̄utiya m̄ua”, masare mani

yitoni manire cūñi Dios. ¹⁹ Ado bajiro bajaia: Jesucristo ĩ goda ĩsirena sʘoriti mani ye waja oca quenoñi Dios. ĩ ñarā mani ñaroca yiñi ĩ. Mani ñeñaro yirise ācabojacōri, “Ñe seti mana ñama ĩna ĩja”, yiyijʘ Dios. “Oca quenoñi Dios”, yʘ yitoni yʘre cūñi ĩ. ²⁰ Mʘare yʘ goti rētoburisena sʘoriti mʘare bʘsiami Dios. Cristo oca goti ĩsiri masʘti ña yʘ. Cristore goti ĩsiri masʘ ñari, ado bajiro mʘare josa yʘ: “Dios rāca oca quenoña mʘa”, yi josa yʘ mʘare. ²¹ Cojireama ñeñaro yīābicʘ ñami Cristo. Cojireama ñeñaro yīābicʘ ñari ĩ sīgāti mani ñeñaro yirise waja, waja yi masigū ñami. Ito bajiro bajigʘ ĩ ñajare manire goda ĩsi rotiñi Dios. Ito bajiri Cristore mani tʘorānʘja, “Ñe seti mama ĩna”, yi tiami Dios manire.

6

¹ Diore moa ĩsigū ñari ado bajiro goti josa yʘ: Mʘare ti maicōri mʘare maso āmoami Dios. Mʘare ĩ maso āmoja rēobesa. “Yʘre masoña”, mʘa yijaro yirocʘ ito bajiro mʘare goti josa yʘ. ² ĩ oca tutijʘ ado bajiro gotiami Dios:

Mʘare yʘ maso āmori rʘmʘ yʘre mʘa senija, cʘdicʘja yʘ. Ito bajiri yʘre mʘa senija, mʘare masocʘja yʘ. Ito yicōri mʘare ejabʘacʘja, yi gotiami Dios ĩ oca tutijʘ.

Tʘoya yʘ ñarā mʘa. Adocāta ña mʘare Dios ĩ maso āmori rʘmʘ. Ito bajiri mʘa ĩre senija, mʘare masogū yigūñi ĩ.

³ Quenarise riti yīāsotia yʘ. Dios oca riasogʘ ñabojagʘti ñeñarise yʘ yija, yʘre tʘorānʘmena yirāji masa. Ito bajiri ñeñarisere yi āmobicōri quenarise riti yīāsotia yʘ. ⁴ Ado bajirojʘa ya yʘ. “Diore

queno moa ãsigũ ñami Pablo”, yure masa yijaro yirocũ quenarise riti yĩasotia yũ. Ito bajiri tũõã bũjatobitibojaguti ñemecutia yũ. Yure masa ãna ñeñaro yi codebojarocati ñemecutia yũ. Diore tũorũncõri ã ocare jidicãbea yũ. ⁵ Coji meje yure bajecã ãna. Coji meje yure tubia, yure tudi yicã ãna. Bogabojaguti ito bajiroti moa ñacõa yũ maji. Cojireama ñami canibicati, busuasoticũ yũ. Ito yicõri coji meje ñiocõsoticũ yũ. ⁶ Yũ queno yirise ticõri, “Diore queno moa ãsigũ ñami Pablo”, yirãji masa yure. Quenarise tũõãgũ ñari ñeñaro yibea yũ. Dios ocare riasoticõri ñasarisere masia yũ. Masa ãna yure ñeñaro yibojarocati tudibea yũ ãnare. Masare ƚsirioro yigũ meje ña yũ. Gãjerãre ejabũa yũ. Espĩritu Santo quedi sãjacõri yure ejabũami ã, Diore yũ cãdi masitoni. Gãjerãre bũto maia yũ. ⁷ Oca ñasarise riasogũ ña yũ. Quenarise yũ yija, Dios ã ejabũarisena ya yũ itire. Jesucristore tũorũncõri quenarise riti yĩasotia yũ. Yũ ñeñaro yijaro yirocũ rãmú ã yibojarocati yũ ñeñaro yiroca yi masibeami ã. ⁸ Coriarã ñama yure rũcũbũorã. Gãjerãma rũcũbũobeama. Yure queno bũsirã ñama coriarã. Gãjerãma yure bũsiturã ñama. “Socari masũ ñami Pablo”, masa ãna yure yitubojarocati, oca ñasarise riti riasoa yũ. ⁹ “¿Ñimũ ñaguĩjida Pablo? ãre masibea gũa”, yama coriarã. “Ñasagũ ñami Pablo. ãre masia gũa”, yirã ñama gãjerã. Coji meje yure masa ãna sãboroca, catia yũ maji. Jãjarã yure ñeñaro ãna yi codebojarocati, Dios yure ã ejabũarisena catia yũ maji. ¹⁰ Cojireama bũto bojori bũja yũ. Ito bajibojarocati Jesucristore yũ tũorũncũjama wanũsotia yũ. Bojoro bũjagũ ña yũ. Ito bajibojarocati masare

Dios oca yu riasoja, ñna queno ñaroca ya yu. “Ñe macati ñami Pablo”, yama gãjerã yure. Ito bajibojarocati yu wanu quenaroca yami Dios yure. Ititi ña yu ãmorise. Ito bajiri disejua gaje yu ãmorise ruayabea yure.

¹¹ Corinto cuto gãna tuoya yu ñarã muu. Yu ya usiju yu tuoïarise goti jeoa yu muare. Muare buto tuo maia yu. ¹² Muare yu buto tuo maibojarocati muajuma yure tuo maimenaji. Sīgũ robo bajiro mani baba cutibeja yure seti ma. Muajua yure tuo maimenaji. Yuma buto muu baba ña ãmoboja. ¹³ Jacu ñ rĩare maigũ busiado bajiro muare busia yu. Muare yu tuo mairo bajiroti yure tuo maiña muu cuni.

Mani ya usiju Dios ñ ñajare ñ ya wi robo bajirã ña mani, yire gaye

¹⁴ Cristore tuorũnumena rãca baba cutibesa muu. Diore tuorũnarã bajiro meje tuoïama Diore masimena. Sīgũre bajiro tuoïarã meje ñama ñna. Quenaro yirã, ñeñaro yirã ñna tuoïaro bajiro meje tuoïama ñna. Busurise robo bajirise meje ña rãitĩarise. Iti bajiroti Diore tuorũnarã cuni Diore tuorũnumena bajiro tuoïarã meje ñama ñna. ¹⁵ Cristo, Satanás rãca coro bajiro tuoïarã meje ñama. Ito bajiro bajiamu Cristore tuorũnarã. Ñre tuorũnumena rãca coro bajiro tuoïabeama ñna. Ito bajiri coro bajiro tuoïabiticõri gãmeri baba cuti masimenaji ñna. ¹⁶ Dios catitĩnagũ ya wi ejacõri ñre riti rucuborã yirãji. Ito bajiri masa ñna meni rujeoanare mani rucubõja quenabetoja. Masa ñna meni rujeoanare Dios ya wiju mani ãmi sãjaja buto quenabetoja. Ito bajiroti Diore tuorũnumena

rãca mani baba cutija quenabetoja. Mani ya usiju Dios ï ñajare ï ya wi bajiro bajaia mani. Ito bajiroti gotiami Dios ï oca tutijũ. Ado bajiro gotia iti:

Yũ ñarã ya usiju ñasotigu yigujã yũ. No ïna ñariju ïna ñaja, ïna rãca ñagũ yigujã yũ. ïna rãcũbuogũ ñagũ yigujã yũ. Yũ ñarã ñarã yirãji ïna, yi gotiami Dios ï oca tutijũ.

¹⁷ Gaje ado bajiro gotiami mani Ɖjũ:

Ñeñaro yirãre baba cutibesa. ïna tũ ñabobarãti sũ buusa ñacõaña. ïna ñeñaro yiro robo yibesa mũa. Yũ yiro bajiro mũa yija, mũare boca ãmigũ yigujã yũ, yi gotiami mani Ɖjũ.

¹⁸ Mũa Jacũ ñagũ yigujã yũ. Yũ rĩa ñarã yirãji mũa, yi gotiami rẽtoro masigũ mani Ɖjũ, ï oca tutina.

7

¹ Tũoya yũ ñarã mũa. Adi mũare yũ gotirise Dios ï gotire ña. ï yiro bajiro riti yisotiami Dios. Ito bajiri ñeñarise jeyaro jidicãrũja manire. Manimasiti mani ya rujũ ñeñaro iti tũõlaro bajiro yibitirũja manire. Mani ya usiju mani ñeñaro tũõlarise cãni jidicãrũja manire. Diore rãcũbuocõri ï ãmorise riti yirũja manire. Quenarise riti yirũja manire.

Ñeñarisere jidicãcõri quenarisejũa tũõjã quena, Pablo ï yire gaye

² Gaje ado bajiro mũare gotia yũ. Yũre ti tebesa. Tũo maiña yũre. Ñimũjũare ñeñaro yibiticũ yũ. Ñimũjũare ñeñarise yi rotibiticũ yũ. Yũmasirio bujarocu rũobiticũ yũ masare. Ito bajiri yũre tũo maiña. ³ Adi mũare yũ gotija, mũare busiturocu meje ya yũ. Mũare buto tũo maia yũ. Mani catija, mani godaja cãni Jesucristo ñarã ñari sīgũre bajiro

riti t̃oĩarã yirãji mani. M̃uare ỹu gotiado bajiroti t̃o mai jidicãbic̃uja ỹu. ⁴“Ỹu gotiro bajiroti c̃udirã yirãji”, yì t̃oĩa ỹu m̃uare. Ito bajiri m̃uare b̃uto wañua ỹu. “Queno yirã ñama Corinto c̃uto gãna”, m̃uare yì t̃oĩac̃õri b̃uto wañua ỹu. “Ito bajiro bajirã ñama Corinto c̃uto gãna”, m̃uare yì t̃oĩac̃õri oca s̃eoa ỹu. T̃oĩa b̃ujatobitibojag̃uti m̃ua queno yirisere t̃oĩac̃õri wañua ỹu ñja.

⁵ Ado Macedonia sita ỹu ejaja tujacãre manic̃u ỹure. Oca jaje ñac̃u ado. Jãjarã ñacã ỹure ti tudirã. Adì c̃uto gãna s̃ig̃u robo bajiro ñna t̃oĩabeja, jaje gãmeri tudire ñac̃u. “Dios ocare queno c̃adibeamã ñna”, yì t̃oĩac̃õri ỹu ya ùsij̃u bojori b̃ujac̃u ỹu. ⁶ Oca s̃eomenare oca s̃eoroça yig̃u ñami Dios. Ito bajiri ỹu bojori b̃ujabojarocati ỹu oca s̃eoroça yiquĩ ñ. Tito ñ ejaja tic̃õri, ỹu oca s̃eoroça yiquĩ Dios. ⁷ Tito ñ ejare gayena riti meje wañua ỹu. M̃ua gaye ñ gotija t̃oc̃õri, wañua ỹu itire c̃uni. “Ỹure t̃or̃uñcã Corinto c̃uto gãna, ito yic̃õri ỹu oca s̃eoroça yicã”, ñ yija t̃oc̃õri wañua ỹu. Gaje ado bajiro gotiquĩ Tito ỹure: “M̃ure b̃uto ti ãmoama Corinto c̃uto gãna. Ñna ñeñaro yirisere t̃oĩac̃õri b̃uto bojori b̃ujama ñna. M̃ure r̃uc̃ub̃oc̃õri b̃uto t̃o maiama ñna”, yì goti ejaquĩ Tito ỹure. Ito bajiro ñ yija t̃oc̃õri, b̃uto b̃usa m̃uare wañuc̃u ỹu.

⁸ Iti r̃um̃u m̃uare papera c̃õag̃ũ, “Iti papera tic̃õri jabeto bojori b̃ujarã yirãji ñna”, yì t̃oĩac̃õri bojori b̃ujac̃u ỹu. “Ñeñaro yirã ña mani”, m̃ua yijaro yiroc̃u, itì papera m̃uare c̃õac̃u ỹu. Ito bajiri, “Iti papera c̃õabitir̃ujabojayija ỹure”, yì t̃oĩabea ỹu. ⁹ Iti papera m̃uare ỹu c̃õacati t̃oĩac̃õri wañua ỹu ñja. Iti papera tic̃õri m̃ua bojori b̃ujare gaye meje wañua

yɛ. Ado robojɛna bajia: “Ĩna ñeñaro yirise jidicãcõri gaje tɔoĩare wasoama ĩna ĩja”, yɛre ĩ yija tɔocõri, wanɛsɛ yɛ mɛare. Iti papera yɛ cõare ticõri bojori bɛjayija mɛa. ĩna ñeñaro yirisere jidicãjaro yirocɛ, mɛa bojori bɛjaroca yĩni Dios. Ito bajiri iti rɛmɛ mɛare yɛ papera cõacati quenarise gaye ñacɛ iti. ¹⁰ Mani ñeñaro yirise mani tɔoĩaja, mani bojori bɛjaroca yami Dios. Gaje tɔoĩare mani wasoaja ticõri, manire wanɛgũ yiguĩji Dios. Ito yicõri manire masogũ yiguĩji. “Yɛ ñeñaro yirisere tɔoĩacõri yɛ bojori bɛjaroca yibitirɛjabojañi Dios”, yibea mani. “Ito bajiro yi masigũ ñami Dios”, yi tɔoĩacõri, bɛto wanɛa mani. ĩna ñeñaro yirise tɔo bojori bɛjabojarãti itire jidicã ãmobeama gãjerãma. Ito bajiri goda warã jeame ɛjɛroja warã yirãji ĩna. ¹¹ Mɛa bojori bɛjaroca Dios ĩ yija, mɛare queno yigɛ yĩni ĩ. Tɔoĩate mɛa: Ito bajiro mɛare Dios ĩ yija, rɛcɛbɛo quenaro tɔoĩasɛoyija mɛa ĩja. “Oca ña mani wato. Itire quenorɛja manire”, yi tɔoĩana mɛa. “Iti mani oca quenobeja mani tɔoĩa bɛjatobitiroca yigɛ yiguĩji Dios”, yi tɔoĩa gũiana mɛa. Ito bajiro tɔoĩacõri, ñeñaro yigɛ ĩ tɔoĩa bɛjatobitiroca yiana mɛa, itire jidicãjaro yirona. Ito bajiro yicõri oca quenoyija mɛa. Ito bajiri, “Queno yama ĩna. Ñe seti ma ĩnare”, yi tɔoĩa yɛ mɛare. ¹² Iti rɛmɛ mɛare papera yɛ cõacati, “Ĩna wato ñeñaro yigɛ ĩ tɔoĩa bɛjatobitiroca yijaro”, yirocɛ meje papera cõacɛ yɛ. Ito yicõri, “Ĩ ñeñaro yirɛre ejabɛaya mɛa”, yirocɛ meje papera cõacɛ yɛ mɛare. Ado bajirojɛna yicɛ yɛ. Pablore tɔo mairã ña mani. Ito bajiro Dios ĩ tiro riojo Pablore cɛdirɛja manire yijaro ĩna, yirocɛ iti papera cõacɛ yɛ mɛare.

13 Ito bajiri queno m̄ua yire t̄uoĩacõri oca s̄eoa ȳu.

“Queno yama ãna”, Tito ã yija t̄uocõri, b̄uto b̄usa wan̄ua ȳu m̄uare. Ado bajiro ȳure yiquĩ ã: “Corinto c̄uto ḡãna queno ãna yija ticõri, oca s̄eoc̄u ȳu”, yĩ goti ejaquĩ Tito ȳure. Ito bajiro ã wan̄uja ticõri, ȳu c̄ani m̄uare b̄uto wan̄ua. 14 M̄ua t̄u Titore ȳu cõaroto rioj̄ua ado bajiro yic̄u ȳu ãre: “Ãnare ȳu oca cõaja, queno c̄udirã yirãji Corinto c̄uto ḡãna”, yic̄u ȳu Titore. ãre ȳu yicato bajiroti queno c̄udiyija m̄ua. Ito bajiri Tito t̄udi ejacõri ã tiro riojo bojobeaa ȳu. “C̄udirã yirãji ãna”, ȳu yĩado bajiroti c̄udiyija m̄ua. Coji r̄uyabeto ñasarise m̄uare b̄usic̄u ȳu. 15 ãre m̄ua c̄udigore t̄uoĩa b̄ujacõri b̄uto b̄usa t̄uo maiami Tito m̄uare. “Ȳure t̄uocõri r̄uc̄ub̄uore r̄ãca c̄udicã ãna”, yĩ masicõri m̄uare b̄uto wan̄uami Tito. 16 “Ȳu gotirise jeyaro c̄udi jeorã yirãji ãna”, yĩ t̄uoĩa ȳu m̄uare. Ito bajiri m̄ua r̄ãca b̄uto wan̄ua ȳu.

8

Bojoro b̄ujarãre wan̄ure r̄ãca ejab̄uaja quena, yire gaye

1 T̄uoya ȳu ñarã m̄ua. Ado Macedonia sita ḡãna Jesucristore t̄uor̄ũnarã Dios ã queno yire gaye m̄uare goti ãmoa ȳu. ãnare ti maicõri queno yĩñi Dios. 2 Jaje oca t̄uoĩa b̄ujatobitibojarãti wan̄uama ãna. Bojoro b̄ujarã ñabobarãti ḡãjerãre ejab̄uaronaa jaje niyeru miojuama ãna. 3 ãna miojuja ticõri, “Maibiticõri queno wan̄ure r̄ãca ãsiama ãna”, yĩ t̄uoĩa ȳu. ãna r̄uc̄orocõ ãsibobarãti bojoro b̄ujarãre t̄uo maicõri, jai b̄usaro ãsiama ãna m̄ucana. Ȳu senibitibojaro-cati queno ãsiama ãna. 4 “Jerusalén ḡãna Jesure t̄uor̄ũnarã bojoro b̄ujarãre ejab̄ua ãmoa ḡua. Ito

bajiri adi niyeru ãmi wa ĩsiña ĩnare”, yi josama ĩna yure. ⁵ “Adocõ queno yirã yirãji ĩna”, yi yu tũoĩa yuado rētoro queno yama ĩna. “Dios ĩ ãmoro bajiro riti yi ãmoa gũa”, yama ĩna. “Diore cudiõri mure cuni cudi ãmoa gũa”, yama ĩna yure. “Niyeru miojucõri Jerusalén gãna bojoro bujarãre ejabũa ãmoa gũa”, yama ĩna yure. ⁶ ĩna ito yija ticõri, “Corinto cuto gãna tũju tũdi wasa mũ”, ya yu Titore. “Mũ ña bojoro bujarãre yiari niyeru mioju rotiru. Itoju tũdi wacõri ito bajiroti niyeru mioju ñama mũ”, ya yu Titore. ⁷ Gãjerã rētoro masirã ña mũa. Jesucristore queno tũorũnarã ña mũa. Queno masirã ñari Dios oca goti rētobu masia mũa. Gãjerãre bũto ejabũa ãmorã ña mũa. Yure bũto ti mairã ña mũa. Ito bajiri bojoro bujarãre ejabũarona gãjerã rētoro niyeru mũa miojuja quena. Ito yicõri wanũ quenaro mũa miojuja quena.

⁸ Ito bajiro mũare yu yija, rotigu meje ya yu. Queno wanũ quenaro bojoro bujarãre ejabũarona niyeru ĩsiam coriarã. “¿Riti gãjerãre tũo maiati ĩna?” yirocu ya yu mũare. Bojoro bujarãre mũa tũo maija, ĩnare ejabũarona niyeru miojurã yirãji mũa. ⁹ “Manire ti maicõri manire goda ĩsiñi mani Ũju Jesucristo”, yi tũoĩarã ña mũa. Dise ruyabeto rucogu ñabojaguti manire ti maicõri ĩ rucorise jidicãyiju. Adi sita ejaгу bojoro bujagũ robo bajiro ñayiju ĩ. Ito bajiro ĩ bajijare catitĩñarã yirãji mani. Manire ĩ queno yirajũna sũoriti ñejũa ruyabetoja manire.

¹⁰ Mũa queno ñare ãmogũ yu tũoĩarise mũare gotigu ya yu. Iti rãmũca rodo mũa yisũore mũa tũoĩare ãmoa yu. Iti rãmũca rodo bojoro bujarãre ejabũarona niyeru miojusũoyija mũa. Mũa mio-

jusmore mua tfore amoa yu. “Bojoro bjarare ejabaronu niyeru miojuto mani”, yira, wanre raca niyeru miojusoyija mua. ¹¹ Adocata cuni ito bajiroti niyeru miojutifnacõna mua. Mioju tlocõri mua cõaja quena. Iti ruru wanu quenaro mua miojuado bajiroti yija quena adocata cuni. Maimenati mua isija quena. ¹² Ado robojua baja: Jairo mua rucõja jairo isija quena. Jabeto mua rucõja jabetoti isija quena. Maimenati wanre raca mua isi amoja mare wanugã yiguji Dios.

¹³ “Bojoro bjarare ejabaya”, yu yija, “Isi jeocõna”, yigu meje ya yu mare. “Bojoro bjarare niyeru isi jeocõri, bojoro bjaya mua”, yigu meje ya yu mare. ¹⁴ Coro bajiro ñarejua mua ñaja quena. Mua ña jaje rucõra. Ito bajiri, “Bojoro bjarã ñama ña”, yi ti masicõri ñare mua isija quena. Mua amorise iti manija, mare isira yirãji ña cuni. Ito bajiri ñejua ruyabetõja ñare, mare cuni. Ito yija corocõ ñarã yirãji mua. ¹⁵ Dios oca tuti ado bajiro gotia: “Jairo mioju amorã ñabõjarãti ña amorõ rãtorõ bjabõsõjarã ña. Gãjerãma jabetacã miorã ñabõjarãti ña amorocõ bjayõjarã ñama”, yi gotia Dios oca tuti.

Tito mesare queno boca amõna mua, Pablo i yi ñucare gaye

¹⁶ Mare yu tuo mairo bajiroti mare tuo maiami Tito cuni. Mare ejabuã amoami i cuni. Mare i tuo mairoca yini Dios. Ito bajiro i yija, “Queno ya Dios mu”, ya yu ire. ¹⁷ “Corinto cuto gãnare ejabuatẽna”, yu yi gotija, queno wanu quenaro cudiqui Tito. “Ban, wacõja yu”, yi cudiqui i. Mare bto tuo maigã ñari imasiti, “Ina tu wacõja yu”, yi tuoõaquõ i.

18 Titore baba c̄uti waroc̄u mani bajiro Cristore t̄uor̄n̄uḡure m̄ua t̄u c̄ōa ȳu. Masa jeyaro ñna r̄uc̄ub̄uoḡu ñami Ì. “Dios ocare queno goti r̄etobu masiḡu ñami Ì”, yi gotiama jeyaro Jesure t̄uor̄n̄ur̄ã.

19 Ìnare niyeru mioju ejab̄uajaro yirona, Ìre besec̄ã Jesure t̄uor̄n̄ur̄ã. “Bojoro b̄ujar̄are niyeru Ìsi ejab̄uat̄ẽña”, yic̄ã ñna Ìre. Bojoro b̄ujar̄are Ìsirona niyeru ñna miojure ḡua Ìsi bateja tic̄ori, “Bojoro b̄ujar̄are queno ejab̄uama Jesure t̄uor̄n̄ur̄ã”, yi t̄uōlar̄ã yir̄ãji masa jeyaro. Ito yic̄ori mani Ūju Jesucristore r̄uc̄ub̄uor̄ã yir̄ãji ñna. 20 “Adi gayeti niyeru ãmi r̄uoḡūji Pablo”, yi masa ñna ȳare b̄usiture ãmobeã ȳu. Ito bajiro ñna t̄uōlame yiroc̄u queno t̄uōlac̄ori niyeru Ìsi ñuca ȳu. 21 “Niyerure ãmi r̄uobiq̄ūji Pablo. Ñaroc̄oti bojoro b̄ujar̄are Ìsi ñucac̄oḡu yigūji”, yi tigūji Dios ȳare. “Niyeru ñaroc̄oti Ìsi ñucac̄oñi Pablo”, masa ñna yijaro yiroc̄u, masa ñna r̄uc̄ub̄uoḡu Titore baba c̄uti ware ãmoã ȳu.

22 Ito yic̄ori ñna r̄ãca ado ḡãna ñna beser̄u, ḡãji m̄ua t̄u c̄ōaḡu ya ȳu. Cristore t̄uor̄n̄uḡu ñari mani yaḡu ñami Ì c̄uni. Ìre ti masiḡu ñari, “Queno yiḡu ñami Ì”, yi t̄uōlã ȳu Ìre. Coji r̄uyabeto ejab̄ua ãmosotiami Ì. “Corinto c̄uto ḡãna queno c̄udiamã ñna”, ȳu yija t̄uoc̄ori, m̄uare ejab̄ua ãmoami Ì. 23 M̄ua t̄u ḡãna, “¿Ñim̄u ñagūjida Tito?” ñna yi senīlaja, ado bajiro m̄ua c̄udija quena: “Pablo baba ñami Ì. Pablo robo bajiro manire Dios oca goti r̄etobuḡu ñagūji Ì c̄uni”, m̄ua yija quena. Ḡãjer̄ã j̄uar̄ã Titore baba c̄uti war̄ã Jesucristore t̄uor̄n̄ur̄ã ñama ñna c̄uni. Ito bajiri mani ñar̄ã ñama ñna. Ìna queno yire tic̄ori, “Queno yir̄ã ñama Jesucristo ñar̄ã”, yi t̄uo masiama ado ḡãna ñnare. Ado ḡãna Jesucristore t̄uor̄n̄ur̄ã

mua tu ñna watoni ñnare besecã. ²⁴ Mua tu ñna ejaja, rãcãbũore rãca ñnare boca ãmiña. “Queno yirã ñama Corinto cuto gãna. Gãjerãre rãcãbũorã ñama ñna”, ya yu masa jeyarore. “Riti yami Pablo”, gãjerã Jesucristore tuorãnurã ñna yi masitoni, yu gotiro bajiroti rãcãbũore rãca ñnare boca ãmiña mua.

9

Mani ñarã bojoro bũjarãre ejabũaja quena, yire gaye

¹ “Mani ñarã bojoro bũjarãre ejabũarona niyeru miojuja quena”, yi tuoñarã ña mua. Ito bajiri, “Masicãrãji ñna”, yibojaguti uca yu mũare. ² “Bojoro bũjarãre ejabũa ãmoama ñna”, yi tuoña yu mũare. Ado Macedonia sita yu wa ucuja, “Iti rãmũca rodo bojoro bũjarãre ejabũarona niyeru miojusũõni Corinto cuto gãna”, ya yu masare. Mũare wanũgũ ito bajiro masare ya yu. Ito bajiro yu yija tuo oca sãocõri, “Mani cuni ito bajiroti bojoro bũjarãre yiarì niyeru miojuto mani”, yama adi cuto gãna cuni. ³ Yu waroto riojua Tito mesare cõa yu. “Yu ejari rãmũ niyeru rãca minijua yucãrã yirãji ñna”, yirocũ cõa yu ñnare. “Niyeru mioju yucãrãji ñna”, ya yu ado gãnare. Ito bajiri mua tu ejacõri, “Niyeru mioju tiõbeama ñna maji”, ñna yire tuo ãmobeã yu. “Niyeru mioju yucãrã yirãji”, yi tuoña yu mũare. ⁴ Ado gãna Macedonia sita gãna yure ñna baba cuti waja, niyeru manoti mũare ñna ti bũjare ãmobeã. “Corinto cuto gãna bojoro bũjarãre ejabũarona niyeru mioju tiõcãrã yirãji ñna”, ya yu ado gãnare. Ito bajiri mua rũco yubeja, bojori bũjagu yigũja yu. Mua cuni bojori bũjarã yirãji mioju tiõbiticõri. ⁵ Ito bajiri mani ñarã Tito mesa yu waroto riojua

mua tu ñna waja quena yure. “Adocõ ñsiana gua”, mua yire mioju tño masitoni muare ejabuarã yirãji ñna. Ito bajiri yu ejaroca tñjacãre ñaro yiroja iti mua miojure. Ito bajiri yu ejaroto riojua sigũ ruyabeto mua ñsi ãmorocõ ñsirã yirãji mua. Ito bajiri, “Pablo ñnare ñ josajare ñsiñi ñna”, yi tuoñamenaji gãjerã.

⁶ Ado yu busirise tuoja mua. No jabeto otegu ñ oterocõti bujagu yiguñji. Jairo oteguama jairo bujagu yiguñji. No jabeto ñsigũ itocõti boca ãmigũ yiguñji. Jairo ñsigũ jairo bujagu yiguñji. ⁷ “Adocõ ñsigũ yigujaja yu”, mua ya usiju yi mua tuoñadocõ mua ñsija quena. Maibojarãti mua ñsija quenabea. Ñsi ãmobitibojarãti gãji ñ josaja tuocõri, mua ñsija quenabea. Muamasiti ñsi ãmorã mua ñsija quena. Wanu quenaro ñsirãre ti wanuami Dios. ⁸ Ito bajiro mua yija ticõri, muare queno yigu yiguñji Dios. Mua ãmoro rëto busaro ñsi remogũ yiguñji Dios. Ito bajiri ñejua ruyabetoja muare. Ito bajiro muare yigu yami Dios, bojoro bujarãre mua ejabuatonì. ⁹ Ado bajiro gotia Dios oca tuti:

Maibicuti bojoro bujarãre ñsigũ yiguñji Diore rucubnogu. Ito bajiri ñ queno yigore ãcabojobicu yiguñji Dios, yi gotia Dios oca tuti.

¹⁰ Dios ñnami, otejaro yirocu, aje ñsigũ. Ñti ñnami, bajaran yirocu, bare ñsigũ. Mua ãmorise ñnarcõti muare ñsigũ yiguñji Dios. Gãjerãre mua ejabuatonì muare ñsigũ yiguñji Dios. ¹¹ Jairo muare ñsigũ yiguñji Dios, bojoro bujarãre mua ejabuatonì. Ito bajiro mua yijare, “Queno ya Dios mu”, yi rucubnorã yirãji masa ñre. Jerusalén gãna Jesucristore tuorunurãre mua miojure yu ãmi ejaja ticõri, “Queno ya Dios

mɯ”, yi rɯcɯbɯorã yirãji ãna ãre. ¹² Mani ñarã bojoro bɯjarãre adi mɯa ãsija, queno ejabɯaro ya ãnare ãna queno ñatoni. Ito bajiro mɯa yija, “Queno ya Dios mɯ”, yi rɯcɯbɯorã yirãji ãna. ¹³ ãnare mɯa ãsijare, “Cristo ocare queno cɯdiama Corinto cɯto gãna”, yirã yirãji ãna mɯare. Ito yicõri Diore rɯcɯbɯorã yirãji ãna. “Manire ejabɯacõri gãjerãre cɯni bɯto ejabɯama ãna”, yirã yirãji ãna. Ito bajiri Diore rɯcɯbɯorã yirãji ãna. ¹⁴ “Manire ãna queno ejabɯaroca yiñi Dios”, yirã yirãji mɯare tɯo wanɯcõri. Ito mɯa yire tɯoãcõri mɯare yiari bɯto Diore seni ãsirã yirãji ãna. ¹⁵ “Queno ya Dios mɯ”, yirɯja manire. Rẽtoro quenarise manire ãsiñi Dios. ãna ñeñaro yirise waja yi ãsijaro yirocɯ, ã Macɯre cõañi Dios. Iti ña rẽtoro ñasarise. Ito bajiri, “Queno ya Dios mɯ”, yirɯja manire.

10

Dios ã rotirisena riasoa yɯ, Pablo ã yire gaye

¹ Yɯ ña Pablo. Yɯre jabeto ña mɯare yɯ gotiroti. Ado bajiro bajia iti: Masare bɯsigɯ ãnare ti maicõri quenoti bɯsiyijɯ Cristo. ãre bajiro mɯare goti ãmoa yɯ cɯni. Ito gãna coriarã yɯre bɯsituyijarã. “Mani rãca ã ñajama quenoti manire bɯsiami Pablo. Sõjɯ ã ñajama manire oca sẽoro bɯsiami”, yiyijarã mɯa coriarã yɯre bɯsiturã. ² Ñeñaro yirãre goti queno masia yɯ. Ito bajibojarocati mɯa tɯ yɯ ejaja, sẽoro bɯsi ãmobeaa yɯ. Ito bajiri ñeñaro mɯa yirise jidicãña, mɯa tɯ ejacõri yɯ oca sẽoro bɯsibe yirona. “Adi sita ñeñaro yirã robo yigɯ ñami Pablo”, yi yɯre bɯsiturãreama oca sẽoro bɯsicɯja yɯ. ³ Ito bajiroti bajia. Mɯare bajiroti masɯ ña yɯ cɯni.

Ito bajibojarocati Dios oca yu riasoja ï masirisena riasoa yu. ⁴Yu masi tuoïarisena yu riasojama, queno riasobitiboguja yu. Dios ï masirisena riasoa yu. Ito bajiro bajigu ñari ñeñaro yiräre rëtocü masia yu. ⁵Jesure gãjerã tuorünume yirona, “Ñasarise riasobea mu”, yure ña yija, Dios ï ejabuarisena ñare busi rëtocüa yu. Cristo oca yu riasorise gãjerã ña riasobojarise rëto busaro ñasarise ña. Ito bajiri Cristo oca yu riasoja tuorünucöri, ñe cudi ãmorãji ña ñja. Dios ï masirisena ito bajiro ya yu. ⁶Ito bajigu ñari mu wato yu riasorisere cudimenare goti queno masia yu. Sïgü ruyabeto mu cudiya, gãjerã cudimenare riasogu yiguja yu.

⁷Yure tibojarãti yu tuoïarise masibea mu. Ito bajiri queno tuoïaña mu, “Riti Cristo ñarã ña gua”, mu yijama, “Riti Cristo yagu ñami Pablo”, yi ti masiborãji mu yure. ⁸Muare yu riasotoni yure cüñi Dios. Muare biyaro yu gotija cani, bojobea yu. “Mani Uju, ‘Yu oca riasojaro ñare’, yirocu yure cüñi ï”, yi tuoïa yu. Bojori bujajaro ña, yirocu meje yure cüñi Dios. Ado bajiroja baja: Oca sëoro mu ñatoni yure cüñi Dios. ⁹“Manire papera ï cöaja, ‘Sëoro busiami Pablo mani güijaro’, yirocu”, yi tuoïabitiruja muare. Ito bajiro mu tuoïare ãmobeaa yu. ¹⁰Mu coriarã yure busiturã, ado bajiro ya mu: “Papera jüjuna oca sëoro busibojaguti mani tu ï ejajama oca sëoro busibiquïji ï. Oca sëogu meje ñami ï. Rojogu ñami. Ñe waja ma ï busirise”, yi yure busiturãji mu coriarã. ¹¹Ito bajiro yure ña yibojarocati ito bajiro bajigu meje ña yu. Papera jüjuna oca sëoro yu busiro bajiroti busigu yiguja yu, yure busiturã tu ejagu cani. “Iti masi yuya mu”, ya

yu mware.

12 Ado bajiro yirāji mwa rāca gāna coriarā: “¿Ñimw ñati mani wato buto busa tʰoĩagũ? Yu ña buto busa tʰoĩagũ”, yi gāmeri busirāji ĩna. “Gājerā rētoro masirā ña mani”, yi tʰoĩarāji ĩna. Ito bajiro ĩna yija, tʰoĩa wisarā yirāji ĩna. ĩna robo bajiro tʰoĩagũ meje ña yu. 13 “Masigũ ña yu”, yibea yu. Ado bajirojwa ya yu: Mwa Corinto cuto gānare yu riasotoni yure cūñi Dios. Ito bajiri, “Ī masirisena mware riasoa yu”, yu yija, riti mware gotia yu. 14 Gājerā riojwa Cristo oca quenarise mware riasocu yu. Iti oca yu mware riasotoni yure cūñi Dios. Yumasi tʰoĩa rujeocōri meje mware riasocu yu. 15 Gājerā riasoanare, “Yu riasoana ñama ĩna”, yibea yu. Yumasi yu moagore riti mware busia yu. Ado bajiro baja: Buto busa Jesucristore mwa tʰorūnure āmoa yu. Ito bajiri jai busaro mware riaso āmoa yu. Riasojaro yirocu, Dios yure ĩ cūre riti riaso āmoa yu. 16 Ito bajiro yicōri mwa sōjwa ñarāre riasogu wa āmoa yu mwcana. ĩna tʰu ejacōri Jesucristo oca quenarise ĩnare riaso āmoa yu. Gājerā ĩna riasogobitianare riaso āmoa yu. Ito bajiro yu yija, gājerā riasogoana ñabojarocati, “Yu riasoana ñama āna”, yi goti wanu āmobeas yu.

17 Ado bajiro gotia Dios oca tuti: “Diore rācubwojaro masa yirocu, ‘Dios ĩ masirisena yicu yu’”, mani yija quena. “Yumasi tʰoĩarisena yicu yu”, yibitirwaja manire, yi gotia Dios oca tuti. 18 Sīgũ ĩmasiti “Queno yigu ña yu”, ĩ yibojaja, waja ma iti. Dios ĩ boca āmirocu meje ñami ĩ. “Āni ñami queno yigu”, Dios ĩ yijama, ĩ ñami ĩ boca āmirocu.

11

Ruore oca riasorã Dios ï cũana meje ñama, Pablo ï yire gaye

¹ Tuo masibicare bajiro yu busibojarocati yure mua tuorũnure ãmoa yu. Adi yu busirise tuoia mua. ² Romio gãji rãca ajebeco iso manuju ñarocure riti tuoĩagõ yigõji. Isore bajiro Cristore riti mua tuorũnure ãmoa yu. Yu ña cajero muare riasosocacu. Cristore tuorũnũjaro ñna, yirosu muare riasosu yu. Ito bajiri buto muare Dios ï tuoĩaro bajiroti tuoĩa yu cuni. Cristore tuoĩa jidicãme ñna, yirosu muare buto tuoĩa yu. ³ Jane mejeju rũmũa uju jinona quedi sãjacõri Eva ñayore ruoyijũ ï. “Ito bajiroti ñnare ruogu yiguĩji ï”, yi tuoĩa yu muare. “Buto Cristore masirã ñabojarãti rũmũ ï ruorise tuorũnucõri Cristo oca jidicãrã yirãji ñna”, yi tuoĩa yu. Ito bajiri buto tuoĩa yu muare. ⁴ Ado bajirojua baja: Gãjerã ricati riasorã ñna ejaja, wanure rãca ñnare boca ãmirãji mua. Jesús oca yu riasoado bajiro meje ñna riasobojarocati ñnare tuorũnũrãji mua. “Ado bajiro bajiami Espiritu Santo”, yu yiado bajiro meje ñna riasobojarocati ñnare tuorũnũrãji mua. “Ado bajiro masare masogu yiguĩji Dios”, yu yiado bajiro meje ñna riasobojarocati ñnare tuorũnũrãji mua. Ito bajiro ñnare mua tuorũnũja quenabea. ⁵ “Dios ï cũana ña guã. Gãjerã rãtoro masirã ña guã”, yirãji ñna. “Dios ï cũru ña yuama. Ñna ruja busaro meje ñagũja yu ñarea”, yi tuoĩa yu. ⁶ Queno busi masibitibojaguti Dios ocare queno masia yu. Ito bajiri ï ocare queno muare goti rãtobucu yu. Coji meje yure tuogoana ñari, “Queno Dios ocare masiami Pablo”, yi tuoĩarãji mua yure.

7 Dios oca quenarise yu mware riasoja, waja senibiticu yu. Bojoro bujagu ñabojaguti, Dios ocare riti tuorunajaro ina, yirocu mware waja senibiticu yu. ¿Quenabisijari ito bajiro yu yija? Meje, queno yicu yu. 8 Gãjerã Jesure tuorunurã yure niyeru ïsi ñucañi. Ña ejabuarise boca amicõri mua tu riaso ñacu yu. Yure mua ïsi amobejare ñajua yure ïsi ñucañi. 9 Mua tu ñagã bojoro bujacu yu. Ito bajiro bajibojaguti mua tu yu ña masitoni, “Yure ejabwaya mua”, yibiticu yu. Macedonia sita gãna ejacõri mua tu yu ña masitoni yu bojoro bujarise yure ïsicã ña. Mua tu ñagã, “Yure ejabwaya”, yibiticu yu. Coji mware niyeru senibiticu yu. Ija cuni senibicuja yu. 10 Cristo oca yu riojo gotiado bajiro mware riojo gotigu yiguja yu. “Yu ña masitoni yure niyeru ïsiña mua”, yibicuja yu. “Gware niyeru seniñabeami Pablo”, yi tuoïarã yirãji mua Acaya sita gãna jeyaro. 11 Ado bajiro yu busija, ¿mware maigã meje yati yu? Bajibea. Mware buto maia yu. “Ïnare buto maiami Pablo”, yi tuoïaguïji Dios yure.

12 Mware waja senibicuti riasosotigu yiguja yu. “Pablore bajiro Dios ï cûana ña gwa cuni”, yirã mware ña riasoja, waja senirã yirãji ña. “Pablore bajiro waja senia gwa”, ña yibe yirocu, mware waja senibicuja yu. 13 Diore moa ïsirã meje ñama ñaõna. “Dios ï cûana ña gwa”, yibojama ña. Ruo jairã ñama ña. “Cristo oca riasotoni ï cûana ña gwa”, yi ruoama ña. 14 Ito bajiro ña yija tuo ucabea yu. Rãmua wju Satanás cuni cojireama ángel queno yigure bajiro godo wediguïji. 15 Satanásre cudirã ña ñama ï ñarã. “Mware ejabwa ãmoa gwa”, yi ruoama ña. Ña wju Satanás masare ruorocu queno yigure bajiro ï godo

wedi ruoado robo bajiro yirãji ãna cuni. Ìna ñeñaro yire waja yirãonati co rɔmɔ tɔoĩa bujatomena yirãji ãna.

Cristore moa ãsigũ ñari ñeñaro tɔbɔjacɔ yɔ, Pablo ã yire gaye

¹⁶ Ito bajiro yɔ yibojarocati, “Queno tɔo masibicɔ ñami Pablo”, yi tɔoĩabesa mɔa yɔre. “Mecɔri masɔ bajiro busiami Pablo”, yɔre yibojarãti, “Busijaro maji”, yiya yɔre, yɔmasi gaye yɔ busitoni. ¹⁷ Adocãta yɔ mɔare gotiroti mani Ƴɔ Jesucristo ã goti rotire meje ña. Yɔ gaye riti busigɔ yigɔja yɔ. Mecɔri masa ñama ãna ye riti busirã. ¹⁸ Mɔa wato gãna coriarã ãnamasiti, “Queno yirã ña gɔa”, yirãji ãna. Ìnare bajiro yigɔ yigɔja yɔ jabeto. ¹⁹ “Queno masirã ña gɔa”, yirãji mɔa. Ito yibojarãti mecɔri masa ãna busirisere tɔorãnurãji mɔa. Ìna ñarãji, “Dios ã cũana ña gɔa”, yi ruorã. ²⁰ Ìna josare bajiro mɔare ãna yibojarocati ãnare boca ãmirã yirãji mɔa. Mɔa ye ruocorona mɔare ruorãji ãna. Manire moa ãsijaro ãna yirona, mɔare ruorãji. Mɔa ya riojɔ jarãji. Ito bajiro ãna yibojarocati ãna yirisere tɔorãnurã yirãji mɔa. ²¹ Mɔare ñeñaro ãna yiado bajiro yi masibea yɔ. ¿Ito bajiro mɔare yɔ yibeja quenabeati? Meje, mɔare queno ya yɔ.

Mɔcana queno tɔo masibicɔre bajiro busigɔ ya yɔ. Yɔmasi gaye mɔare gotigɔ ya yɔ. “Jaje quenarise yicɔ gɔa”, ãna yi masija, “Ito bajiro jaje quenarise yicɔ yɔ cuni”, yi tɔo masia yɔ. ²² “Hebreo oca busirã ñari gãjerã rẽtoro ñasarã ña gɔa”, yama ãna. Hebreo oca busiguti ña yɔ cuni. “Israel sita gãna ñari gãjerã rẽtoro ñasarã ña gɔa”, yama ãna. Yɔ

cuni Israel sita gaguti ña. “Abraham ñayoru janerābatia ñari gājerā rētoro ñasarā ña gña”, yama ñna. Abraham ñayoru janerābatia janamiti ña yu cuni. ²³ “Cristore moa Ísirā ñari gājerā rētoro ñasarā ña gña”, yama ñna. Ñna rēto busaro Cristore moa Ísigū ña yu. Yumasi gaye busigu queno tao masibicare bajiro busia yu. Ito bajibojarocati yu gaye yu gotija quena. Ñna rēto busaro moasotia yu. Coji meje yure tubiacā masa, Dios oca yu riasoja ticōri. Coji meje yure bajecā. Coji meje yure sīabocā ñna. ²⁴ Co rumu treinta y nueve jiri yure bajecā ñna. Mucana yure ñiacōri jūaria rumuri ito bajiro bajecā ñna. ²⁵ Udiaji yucu jāina yure jacā ñna. Yure sīarona coji gūtana reacā ñna. Yu wabojacati cuma, cuma busca udiaji rujacu. Coji rujagu ūmūasaro, ñamiasaro baticu yu riacā jajosaju. ²⁶ Dios oca riasogu sōju wa ucucu yu. Ito bajiro wa ucugu guijorise ticu yu. Riacā guijoro wa ucucu yu. Riniri masa ñna guijoro, yu ñarā ñabojarāti guijoro, ito yicōri gājerā masa guijoro wa ucucu yu. Cuto jaja cuto guijori cuto, cuto meje cuni guijoro riacā jajosa cuni, ito yicōri “Cristore tuorūnrā ña gña”, yibojarāti guijorā wato wa ucucu yu. ²⁷ Josari moacōri tuoīa bujatobiticu yu. Coji meje canibicūti busuasoticu yu. Coji meje bare, ide cuni manicu yure. Ito yicōri coji meje ñiocōcu yu. Coji meje usarise tuoīa bujatobiticu yu, yutabujuri yure iti manijare.

²⁸ Iti riti meje tuoīa bujatobiticu yu. “¿No bajiro ñarājida gaje cuto gāna Jesure tuorūnrā?” yi tuoīacōri ruje tuoīasotia yu. ²⁹ Jesucristore tuorūnrā ñabojarāti ñeñaro yicōri bojori bujarāre yu ti bujaja, ñna rāca bojori buja yu cuni. Jesure

tʉorānugüre gājerā ĩ ñeñaro yiroca ĩna yija, bojori bʉja yʉ. Ito bajiro ĩna ĩre yija, ĩna rāca junisinia yʉ. ³⁰ Yʉ gaye masijaro yirocʉ, mʉare bʉsia yʉ. “Bʉto sēogū meje ñami Pablo”, mʉa yi tʉoĩatoni yʉ gaye mʉare bʉsia yʉ. ³¹ Adi yʉ mʉare gotirise, “Riojo gotiami Pablo”, yi masiami mani ʉjʉ Jesucristo Jacʉ Dios yʉre. ĩti ñami mani rʉcʉbʉotĩñarocʉ. ³² Damasco wame cʉtiri cʉto yʉ ñaroca, “Pablöre ñiacõri tubiajaro”, yirocʉ iti cʉto tʉnima ñari sojerijʉ surara cūquĩ, iti cʉto ʉjʉ. Iti sita ʉjʉ Aretas wame cʉtigʉ roca gagʉ ñaquĩ ĩ iti cʉto ʉjʉ. ³³ Yʉre tubia āmobjagʉti yʉre ñia masibitiquĩ ĩ. Ito cʉto tʉnima ñari cʉnĩjʉ ñari sojena jibʉjʉ sãcõri yʉre rujicõ ĩna. Ito bajiro yʉre ĩna ejabʉajare rudicʉ yʉ.

12

Dios ñarojʉ Pablo ĩ cãire gaye

¹ Yʉmasi gaye yʉ bʉsijama, “Quenabea iti. Rocati bʉsiboja yʉ”, yi tʉoĩa yʉ. Ito bajibojarocati mani ʉjʉ yʉre ĩ ĩogore bʉsicʉja yʉ. Ito yicõri yʉ cãirojʉ ĩ gotire cʉni mʉare goticʉja yʉ. ² Iti rʉmʉjʉ Jesucristore tʉorānʉsʉocʉ yʉ. ʉmacʉjʉ sʉsari tutijʉ Dios ñarojʉ yʉre ĩ āmi ejaja bero catorce rodori tʉja adocãta ĩja. Yʉre ito ĩ āmi ejaja, “Ito bajiro āmi ejarʉ”, yibea yʉ. Yʉ ya rujʉti, yʉ ya ʉsigoti āmi ejarʉ gajea. Dios sīgʉti masiami itire. ³ Riti, “Quenari cʉtojʉ Dios ĩ ñaro yʉre āmi ejañi”, ya yʉ mʉcana. Ito bajibojarocati, “Ito bajiro ejacʉ yʉ”, yi masibea yʉ. Yʉ ya ʉsigoti, yʉ ya rujʉ cʉni āmi mʉjari seyoñi Dios gajea. ĩ sīgʉti masiami itire. ⁴ Ito ejacõri masare Dios ĩ gotibitire tʉocʉ yʉ. Ito yʉ tʉogore goti rotibeami Dios yʉre. ⁵ Iti gaye yʉre

Dios ĩ gotija, “Ñasagu ña yu”, yiboguja yu. Ito bajibojarocati itire yibicuja. Yu masi gaye yu busija, “Buto seogũ meje ña yu. Yu cuni tuoña bujatobea yu”, yicuja yu. ⁶ “Queno yigu ña yu”, yu yi amoja, yi masia yu itire. Riojo yu gotigu ñajare, “Buguti yami Pablo”, yi masimenaji gãjerã. Ito bajibojarocati, “Queno yigu ña yu”, yi amobea yu. Yu yigore tibojarãti, ito yicõri yu busigore tuojarã cuni, “Queno yigu ñami Pablo”, mua yi masibeja, “Queno yigu ñami Pablo”, mua yire amobitiboruja yu. ⁷ Yu cãiroju Dios yure ĩ ĩocati quenarise ñacu. Ito bajiro ĩobojaguti, “Gãjerã rëtoro ñasagu ña yu”, yu yire amobeami Dios. Ito bajiri yu ya ruju, yu ñarise cutiroca yiñi Dios. Jota iti juniro bajiro bajia iti yure. Yure iti ñaja ticõri, “Gãjerã rëtoro ñasagu meje ña mu”, yami Satanás yure. ⁸ Yu ñarise cutirise yisijaro yirocu, udiuji Diore senibojacu yu. ⁹ Ito bajiro ĩre yu senibojarocati ado bajiro yure cadiquĩ ĩ: “ ‘Yure ti maiami Dios’, mu yi masija, ñe ruyabea mare. Rojo busagu mu ñaja ticõri, ‘Dios ĩ masirisena, riasoguĩji Pablo’, yi tuoñarã yirãji masa”, yiquĩ mani Uju yure. Ito bajiri ñarise cuticõri wanua yu. Ito bajigu yu ñaja ticõri, “Cristo masirisena riasoñi Pablo”, yure yi tuoñarã yirãji masa. ¹⁰ Ito bajiri yu ñarise cutija, wanua yu. Coji meje yure busitucã masa. Coji meje yu amorise ruyasoticu yure. Coji meje usirioro yi codecã masa yure. Cristo oca yu riasojare coji meje yu tuoña bujatobitiroca yicã masa yure. Ito bajibojarocati wanua yu. Yu tuoña bujatobitija, Cristore riti tuoña yu. Ito bajiri, “Ĭ masirisena ña yu”, yi tuoña yu.

Corinto cuto gãnare Pablo ĩ tuoña oca jaire gaye

11 Yamasí gaye gotigü, queno tño masibicüre bajiro busia yu. “Queno yigü ñami Pablo”, müa yibejare, yamasiti ito bajiro ya yu. Ito bajibojarocati, “Queno yigü ñami Pablo”, yirujaboja müare. Müa tü gãna, “Dios ï cüana ñasarã ña gña”, yirã rëtoro ñasagu ña yu. No yigü meje ñabojaguti ña rëtoro ñasagu ña yu. 12 Dios ï cürü ñami Pablo, yijaro ña yirocü, tiyamani jaje yi ïocü yu müare müa tü ñagü. Müa yure ñeñaro yibojarocati usiriobicüti Dios oca müare goti rëto bucü yu. Jaje tiyamani müare ïocü yu. “Riti Dios ï cürü ñami Pablo”, yi tñoiarüja müa yure. 13 “Gãjerã Jesucristore tñorünürãreama bñto rücübñoami Pablo. Manireama rücübñoobeami”, ¿yi tñoïati müa? Corocöti müare rücübñoa yu. Gãjerã Jesucristore tñorünürãre, “Yure ejabüaya müa, yu ña masitoni”, ñare yu yiado bajiro yibiticü yu müare. Ito bajiro müare yibiticöri, “Yu ñeñaro yirisere äcabojoya”, ¿yigü yigüjada yu müare? Yibicüja. Ñeñaro yibiticü yu müare.

14 Juaji müa tü ejasüocü yu. Ito bajiri üdiaji müa tü ejagu warocü jane quenosüoa yu mücana. Müa tü yu ñaja, müare josabicü yigüja yu. Müa yure ti maire ämoa yu. Müa ya niyeru ämogü meje müa tü ejagu yigüja yu. Ado bajirojüa bajia: ña rïare ejabüarona niyerure ämoama ña jacüsabatia. Rïa meje ñama ña jacüsabatiare ejabüarona niyeru ämarã. Yu rïare bajiro bajia müa. Ito bajiri müare josabicü yigüja yu. 15 Müare ti maicöri müare ejabüa ämoa yu. Cristore tñorünüjaro ña, yirocü yu rücorise ñarocöti wanüre räca jidicäcüja yu. Cristore tñorünüjaro Corinto cñto gãna, yirocü

bucua wabojaguti mware ejabuasoticuja yu. Mware yu buto ti maibojarocati yu tuoĵaja yure queno ti maibeas mwa.

¹⁶ “Mani rāca ñagũ manire josabitiqũ Pablo”, yi tuoĵarāji mwa yure. Ito bajibojarocati, “Queno tuoĵagũ ñari manire ruoñi Pablo”, yirāji mwa coriarā. ¹⁷ “Manire ĩ oca cōana rāca manire ruoñi Pablo”, ¿yi tuoĵati mwa? Ruobiticu yu mware. ¹⁸ “Īnare titēña”, yirocu iti ramu Titore cōacu yu mwa tu. Gāji ĩ rāca Cristore tuorũnugũ cōacu yu. “Manire ruoñi Tito”, ¿yi tuoĵati mwa? Ruobitiru ĩ. “Queno yiquĩ Tito”, yi tuoĵarāji mwa. Yure bajiro Espiritu Santo quedi sāja ecogu ñari, mware ejabua āmogũ Dios oca queno riasoñi ĩ. Mware niyeru josabisĩ ĩ.

¹⁹ “Īre wanujaro ĩna, yirocu iti manire gotiami Pablo”, ¿yi tuoĵati mwa? Ito bajiro meje bajia. Ado bajirojua bajia: Mware yu busija, Cristo ĩ āmoro bajiro mware busia yu, Dios ĩ tiro riojo. Tuoya yu mairā yu ñarā mwa. Jeyaro yu mware gotirise, “Cristore tuorũnu wajaro ĩna”, yirocu mware ya yu.

²⁰ “Mwa tu ejacōri, Cristore cudibiticōri ñeñarise riti mwa yi ñaroca ti ejagu yiguja yu gajea”, yi tuoĵa yu mware. “Mwa tu ejacōri mwa oca josa ñaroca ti ejagu yiguja yu gajea. Gājerā ya gajeoni mwa uoroca, mwa junisini ñaroca ito yicōri gāmeri queno mwa baba cuti ñabitiroca, oca menirā cuni, busiturā, gāmeri tārā, ito bajiro yibojarāti, ‘Gājerā rētoro tuoĵarā ña gwa’, mwa yi ñaroca ti ejagu yiguja yu gajea”, yi tuoĵa yu mware. Ito bajiro mwa yi ñaroca yu ti ejaja, mwa āmoro bajiro mware wanu ejabicuja yu. Ito bajiro mwa ñeñaro yirise ticōri mware junisini tigu yiguja yu. Ito bajiri yu junisiniya ticōri, wanumenaji mwa.

²¹ “Mwa tu ejagu mwa ñeñaro yire ticōri yu bojo

bujaroca yigũ yiguĩji Dios”, yi tũoĩa gũia yũ. Iti rãmũ mũa ñeñaro yiado bajiroti mũa yija ticõri, mũa tiro riojo otigũ yigũja yũ. Itire ãmobeaa yũ. Mũa tũ ejacõri, “Ĩna ñeñaro yirisere jidicã ãmobeama ĩna. Rocati romiare ĩna ajerise jidicã ãmobeama ĩna. ĩnamasiti ĩna ya rujũ ñeñaro iti tũoĩaro bajiroti ñeñaro yi uyarãji maji”, yi yũ ti ejaja, otigũ yigũja yũ. Itire ãmobeaa yũ.

13

Pablo ĩ goti quenosũsare gaye

¹ Adi yũ warisena udiãji mũare tigũ yigũja yũ. Yũ ejaroti bocati yucãña mũa. Ado bajiro gotia Dios oca tuti: Gãjire sĩgũ ĩ seti yi ãmoja, ĩre busi ejabuarã, “Riti yami. Ticũ gũa cuni. Ito bajiroti bajicũ”, yirã jũarã, udiarã ñaja cuni quena, yi gotia Dios oca tuti. ² Iti rãmũ mũa tũ ñagũ ñeñaro yirãre goti quenocũ yũ, ĩna ñeñaro yirise jidicãjaro yirocũ. Mũa tũ ñabitibojaguti gãjerã ñeñaro yirãre cuni goti quenoa yũ, jidicãjaro yirocũ. Ñeñaro yirã ĩna ñaja ti ejacõri, bũto ĩna tũoĩa bujatobitiroca yigũ yigũja yũ. ³ ĩnare ito bajiro yũ yija ticõri, “Cristo ĩ ãmoro bajiro gotiami Pablo”, yi tũoĩarãji mũa. ĩna ñeñaro yirise jidicãjaro yirocũ, oca sũoro yigũ yiguĩji Cristo. Ito yicõri ĩ masirise mũare ĩogũ yiguĩji. ⁴ Manire bajiro rujũ cuticõri yucutẽojũ ĩna jajuja godaĩni Cristo. Ito bajiro ĩna yibojarocati adocãta Dios ĩ masirisena ñami ĩĩja. Cristore yũ tũorũnũja ticõri, “Rojogũ ñami Pablo”, yama masa yũre. Ito bajiro ĩna yibojarocati Cristore tũorũnũgũ yũ ñajare, yũ oca sũoroca yigũ yiguĩji Dios. Ito bajiri mũa tũ ejacõri, ĩna ñeñaro

yirisere jidicãjaro yirocũ, oca sêoro mũare goti quenocũja yũ.

⁵ “¿Riti Cristore tũorũnũgũ ñati yũ?” yĩ tũoĩañã mũa. “¿Riti Cristo yũ ya usijũ quedi sãja ecorũ ñati yũ?” yĩ tũoĩañã mũa. “Cristo yũ ya usijũ quedi sãja ecorũ ña yũ”, mũa yĩ tũoĩabeja, Cristore tũorũnũrã meje ña mũa. ⁶ “ ‘Riti Cristore tũorũnũgũ ñami Pablo’, yũre yirãji mũa”, ya yũ. ⁷ Mũa ñeñaro yibititoni mũre yĩari Diore seni ĩsotia yũ. “Ĩnare queno Dios oca riasoñi Pablo”, yũre ĩna masa yĩ wanũjaro yirocũ meje Diore senia yũ. Quenarise riti mũa yĩre ãmoa yũ. Ito bajiri mũa queno yitoni Diore seni ĩsia yũ. “Ĩnare queno riasobisĩ Pablo”, masa ĩna yibojaja cuni, no yĩbea yũre. ⁸ Oca ñasarise tũorũnũjaro ĩna yirocũ, Dios oca riasoa yũ. Oca ñasarise ĩna tũorũnũ jidicãroca yĩ ãmobeã yũ. ⁹ Ito bajiri mũa tũ ejacõri, “Queno Cristore tũorũnũrã ñama ĩna”, yĩ yũ ti masija, sêoro mũare busibicũja yũ. Ito bajiro iti bajija, ticõri bato wanũgũ yigũja yũ. Cristore tũorũnũcõri ĩ ãmoro bajiro riti yijaro ĩna, yirocũ mũare Diore seni ĩsia yũ. ¹⁰ Mũa tũ ejacõri sêoro mũare busi ãmobeã yũ. Ito bajiri yũ waroto riojũã adi papera mũare cõã yũ. Mũa oca sêoroca yũ yitoni yũre cũñi mani Ujũ. Oca sêobitijaro ĩna, yirocũ meje yũre cũñi ĩ. Ito bajiri mũa tũ ejacõri mũa oca sêoroca yĩ ãmoa yũ.

¹¹ Itocõ uca yũ ñarã yũ mũare. Queno ñañã mũa. Cristo ĩ ãmoro bajiro riti yiyã mũa. Yũ mũare gotirise tũorũnũña. Sīgũre bajiro tũoĩacõri ñañã mũa. Oca ñaja itire quenõña. Ito bajiro mũa yija, mũare ti maicõri mũa rãca ñatĩñagũ yiguĩji Dios. Ito yicõri mũa ya usijũ queno mũa wanũ quenaroca

yigꝰ yiguĩji ã. ¹² Cristore tꝰorũnarã ñari queno wanꝰre rãca gãmeri seniĩa ñasotiya mꝰa. ¹³ Ado gãna Cristore tꝰorũnarã, “Quenajaro”, yi ñucama mꝰare.

¹⁴ “Ĩnare queno yiya Cristo mꝰ”, yirocꝰ mꝰare yiari mani Ʋjꝰ Jesucristore senia yꝰ. “Ĩnare maiña Dios mꝰ, ito yicõri ãna rãca ñaña Espíritu Santo mꝰ”, yi seni ĩsisotia yꝰ ñarã yꝰ, mꝰa jeyarore yiari. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
2581ee54-739f-5595-8d44-83c638ed667b